



novitats

per abunents ed abunentas dal newsletter

nossas novitats - il newsletter regular
cun novas davart eveniments, occurrenz, ediziuns e nossa lavur

Allegra stimedda commembra

I'l prüm newsletter da l'an 2025 infurmaina dals seguaints cuntgnieus:

- Poetry Slam (14 marz 2025)
- Chalandamarz
- annunzcha newsletter linguistic
- Save the date Radunanza Generela (12 avrigl 2025)

Il prossem Poetry Slam sto davant porta

In venderdi, ils **14 marz 2025**, ho lö il prüm poetry slam dal 2025 i'l Pöstli a Puntraschigna.

Per quel essans in tschercha da personas chi's ris-chan da preschanter lur texts davant ün public!

Forsa est tü artist:a da plets e voust pruver our novas cupioulas u forsa hest simplamaing ün cho stichieu cun idejas chi tscherchan il palperi - **tal Poetry Slam Ladin sun permiss texts da tuottas sorts e tematicas**. L'unic cha tü drouvast sun duos texts ed üna praisa curaschi.

Vainsa svaglio tieu interess? Scriva'ns ün [email](#).

Detagls:

Lö: Pöstli, Hotel Maistra 160, Puntraschigna
Avertüra: 20:00
Cumanzamaint: 20:30



Pöstli, Maistra 160
Puntraschigna

Venderdi, 14 marz
Portas: 20:00
Cumanzamaint: 20:30

Entreda libra,
collecta
info@udg.ch

Chalandamarz es bainbod darcho!

Bainbod es il pü bel di da l'an darcho cò. Nus giavüschains già uossa a tuot nossas commembras e commembers, ad iffaunts, abiedis ed abiedgias üna **bellischma festa da Chalandamarz**. Nus ans allegressans scha vus ans marcais sün Instagram [@uniun_dals_grischs](#) uschè cha nus pudainsa festager quist di insembel ed in möd digitel ed analog.



Annunzcha newsletter linguistic

Nus lavurains diligiaintamaing vi da la qualited dals **dicziunaris online** e'ns ingrazschains per tuot voss interess, tschögn, commentars e vossas contribuziuns e dumandas. La cumischiu linguistica as cumpuona da personas dals seguaints sectuors:

- linguistica
- magistraglia
- mezs d'instrucziun
- schurnalisssem
- uffizis chantunels

Quista structura pussibilescha da svilupper inavaunt ils dicziunaris ladins in ün möd persistent. La cumischiu as raduna regularmaing per decider davart temas linguistics. Decisiuns vegnan comunichedas in fuorma d'ün egen newsletter cul titel "**novitats linguistics**" ad interessos, interessedas ed ad instituziuns pertuchedas per ch'ellas vegnan eir applichedas e respettedas.

Sur da quistas decisiuns ed infurmaziuns as po rester al curraint cun abuner il newsletter linguistic, chi vegn tramiss 3 - 4 voutas l'an.

[Abuner il newsletter linguistic](#)

Save the date: radunanza generela a Samedan

In **sanda**, ils **12 avrigl 2025** ho lö la radunanza generela ordinaria da l'Uniun dals Grischs. Zieva la radunanza generela do que üna prelecziun da Flurina Badel.

Lö: vain auncha communico
Avertüra: 16:30
Cumanzamaint radunanza: 17:00
Cumanzamaint prelecziun: in seguit a la radunanza

Per avair il dret da vuscher stu la contribuziun da commembranza da 25.- esser pajeda aunz la radunanza generela.

Chi chi nun es auncha commember u commebra e's annunzchess gugent po fer que cun [quist link](#).

Dapü infurmaziuns e l'invid ufficiel seguan a temp ütil.

Rester infurmo sur noss chanels da medias socielas e sülla pagina d'internet:

